

## ЯКСТЕРЬ АРМИЯВ НАРОДСЬ КУЧИ ИНЬ ДОСТОЙНАЙ ЦЬОРАНЗОН!

### Якстерь Армияв— достойнай пополнения

СССР-нь Оборонавь Народнай Комиссарть Советский Союзнь Маршалть Тимошенко ялгать приказонц коряс ванды ушеды Якстерь Армияв очередной призывсь.

Тя великай праздникть эса минь родинаньконь од патриотонза учеть пяк оцю радостьса. Синь эздост кажнайт мялед улемс бесстрашнай пехотинекс, отважнай танкистокс, меткай артиллеристокс, славнай летчикокс.

Тя кизоня Мордовиянь призывникне пяк оцю настойчивостьса тюрсть Рабоче-Крестьянский Якстерь Армияв и Военно-Морской Флоту очередной призывть сембе ширде анокста васьфтемань участка. Синь эздостафкржась колхозонь, совхозонь, МТС-нь, заводонь общественной эряфса активнай агитаторхт, производственной эряфса—стахановецт и ударникт.

Козловский районнь призывникне-трактористтне Кудясов и Шапаров ялгатне норматень пашкотькшнесазь 115—120 процентс. Синь улихть нилень обороннай значоксна. Рузаевка ошень электростанциянь призывниксь-стахановецсь Муратов ялгась максозень норматень 3 обороннай значоконди.

Республикань призывникне, достойнай патриотне, доблестнай Якстерь Армияньконь железнай рядовзонды йотай кизотнень коряс тядде молихть ламода сяда аноклафта военной знаниянь содамань ширдевок. Тянь колга яркайста корхтай ся фактсь, што Мордовиянь призывникнень марстонь лувксост пцтай 70 процентсь норматень максозь ПВХО-нь значокти, 60,3 процентсь—ГСО-нь значокти и 41,1 процентсь—ВС-нь значокти.

Комсомольский организациятне обязатт нинге сядонга вишкотеми призывникнень йоткса агитационно-пропагандистский работать сян инкса, штоба эрь призывниксь Якстерь Армияв тумда инголкиге цебарьста содалезе, кодама оцю и ответственный задачат ашихть сонь инголенза. Комсомольский организациятне должетть эрь призывникть знакомивдамс всеобщай воинский обязанностень законть и военной присягать текстонц мархта.

Минь странасонк призывонь шитне отмечадакшневихть специальнай радостнай вечерса, торжественнай проводса. Мянень нят трогательнай знакнень эса азонткшневи народть нефтема кельгомад эсь армиянцты, сонь мужественнай боецонзонды.

Якстерь Армияв и Военно-Морской Флоту призывсь—государственной огромнай важностень тев, конань минь должеттама йотафтомс образцовайста. Тянь минь эздоквешсы большевиконь партиясь, Советский правительствась и лична Сталин ялгась.



Советский Союзонь Маршалхне К. Е. Ворошиловсь, Г. И. Куликсь и Армиянь генеральс К. Е. Мерецковсь.  
Фотось Ф. Кисловть (ТАСС-ть фото-клишец).

### Синь улихть почетнай воинкс

Левжа велень колхозса сембоц лувондови 9 призывникт. Содамок сян, што Якстерь Армияса служамась эрь советский гражданинтти ащи почетнай обязанностекс, синь оцю радостьса васьфтезь СССР-нь Оборонавь Народнай Комиссарть Советский Союзонь Маршалть Тимошенко ялгать приказонц.

Ив. Н. Моисеевсь, Ив. А. Беспаловсь и Т. П. Родаевсь, кода колхозникт-стахановецт, эрь шиневельф пашкотькшнесазь выработкань нормасон и максть вал, што синь Якстерь Армиясонга кармайхть улема инь дисциплинированной воинкс.

Горный.  
Рузаевкань район.

### Призывть васьфтезь анокста

Зубово-Поляна. Тя кизоня райононь пцтай сембе призывникне Якстерь Армияв очередной призывть васьфтезь огромнай успех мархта. Синь эздост аф кржать улихть 2—3 обороннай значоксна, йоткост пцтай йофси машффт аф грамотностсь и малограмотностсь.

Тяфта жа сави азомс, што райононь призывникнень ламошкасна

производства няфнихть трудонь замечательнай кепотькст. Тяфтамкс лувондовихть Уголковский призывникне: Кудашов, Серотин, Пинясов и иля ялгатне.

Призывникнень йоткста лама ялгат райвоенкомату кучсть сьормат, конатнень эса вешихть, штоба синь прималезь Якстерь Армиять рядонзонды.

И. Паршин.

### Якстерь Армиять боевой знамянзон алу

Кодама предприятия, учреждения и колхоз тят сыв, сембе вастса советский, партийнай и общественной организациятне призывонь шити анокламаса няфтсть исключительно оцю мяль и забота.

Вов сывсаськ связань республиканский управлениять, коса лувондови 22 призывник, тяс партийно-комсомольский и профсоюзнай организациятне ушедсть призывти аноклама нинге март ковста. Синь организовандасть призывникнень обороннай значоконь норматень тонафнемаса специальнай кружокт, конатнень эса сембода активнай участия примосесть призывникне-комсомолецне. Эряви азомс, што 22 призывниксь сембе максозь норматень 1—2 обороннай значоконди, а башка призывникне норматень максозь ниле значокненьди.

Вов сывсаськ комсомолецть-призывникть Н. В. Кочетовть. Сон производственной работаса лувондови стахановецекс, примоси активнай участия общественной работаса. Сон максозень норматень 4 значоконди. Комсомолецсь Губанов Дмитрий, кода цебарь производственник-стахановец, вяти военно-физкультурнай оцю работа, сон активнай общественник.

Производстваса особенна цебарьста работай Новиков Колясь. Новиков ялгась работаса илядыхненьди ащи цебарь кепотьксокс. Колясь, кода стахановец и цебарь общественник, сембе письменосецнень йоткса пользовадай оцю авторитетса. Сон призывонь шити подарканди максозень норматень обороннай 3 значоконди.

Эряви азомс, што связань управленияс партийно-комсомольский и профсоюзнай организациятне призывникнень йоткса йотафтсть оцю массово-воспитательнай работа и анокласть 22 замечательнай призывник—родинавь патриот. Синь сембе ширде анокт примамс почетнай оружиять и арамс социалистический родинавь армиять боевой знамянзон алу.

Г. Пьянзин.

### Призывникне производстваса эстейст аноклайхть смена

Бугурусланский нефтепромыслатнень эса (Чкаловский область) призывникне эстейст производстваса аноклайхть достойнай смена. Призывниксь—токарьс Фарисеев ялгась аноклазе ученикть Николаевть, электросварщиксь Кривоножкин ялгась тонафтозе од рабочайть Лазарев ялгать.

Буренинь механический мастерскойнь контораса комсомолецне-призывникне организовандасть краткосрочнай 4 школат, коса аноклавихть токархть и слесархть.





Одесский Военный Округа тактический учения. СНИМКАСА: Оборона Наркомт заместителец Советский Союз Маршал С. М. Буденный беседовать красноармейский группа марша. Фото Рыжак, (ТАСС-ть фото-клише).

## Отчетный собрания критика и самокритика ашель

Наркомздравонь комсомолецне нят шитнень эзда йотафтсть отчетно-выборный собрания.

Собрания отчетный докладть тиезе комитетонь секретарь Кузнецова ялгась. Но сави азомс, што Кузнецовась докладть тиезе коськста, конкретный факттома. Сон эсь отчетсонза няфтсь аяцек кафтошка отрицательный факт ВКП(б)-ть историйн Краткий курсонц самостоятельна тонафниензон работаста, што: Буралкин, Манаева и лиятне тонафнихть кальдявста.

Можна аяк эльбятт мярьгомс, што наркомздравонь комсомольский организациять комитетонь комсомольский, трудовой дисциплина и комсомолецне бытсон

колга кизефксень йотнезень вакска, сяс мес комитетсь нят кизефксень мархта ашесь занимадакшне.

Омбоце кизефкса собраниясь ушедсь выдвигать комитетонь членонди кандидатурат. Но выдвинутый ялгатнень коряс ашель кодамовок обсуждения.

Тяфта жа эяви азомс ВЛКСМ-нь горкомть представителец Борискинть колганга, кода комитетонь секретарти Кузнецовати отчетонь сьормадомаса ашесь няфте кодамовок лезкс. Сон собраниясь ашесь кода инжи.

Сембе тя марса сявомок, пях оюста отразился комсомолецне активностсон лангс.

А. Богомолов.

## ПОВЕДЕНИЯ

Рузаевкань железнодорожный 39-це школать просторный коридорганза кенордазь моли стирня. Но мезенкса бди варжакстсь боку и мезе ули вийса ряскафць мастору. Варжакстомок обиженный сельмоса ласькозь туйть мельге, пшкядсь:

— А нинге ученик.

Аф лама минутань йотазь, комсомольский отчетно-выборный собраниясь лифтьф, што башка комсомолецне пях пацкандакшнесазь советский школьниконь званиять. Хулиганствась и расхлябанность кона ширдеге аф ашихть ялгакс отличнайста тонафнемати.

Тяфтама случайда тя школаса аф кржа. И комсомольский организациясь комсомолецне поведение ниясон лангс аф шарфни мялге. Вов комсомолецсь Левинць. Сон тонафни ни 10-це класса, и кода бузатеронь и хулиганонь содасы марнек школась. Тейнза мезевок аф тии вальмань коламась, вальмава ульцяв комотемась и ст. тов. Содамок Левинць кода хулиганонь, сякокс кочказь группоргокс, а тьста шарьх-кодемска аш мезе, мезьста лисендихть безобразиятне. Кода жа сон может улемс цебарь примеркс иляды школьникенди, кда сон сонць нарушандакшнесыне школаса сембе правилатнень.

Тяфтама комсомолецсь группоргокс повсь сян сунедат, што ВЛКСМ-нь комитетсь тя тевть пшкюдезе аф серьезнайста.

— Комсомольский комитетсь тян эзда ашесь ширеса. Вдь именна тьякса в лисенди, што кой-кона стирнятневок — но исьцень аза лемсон Русскина комсомолкась, — ульцяса вяцазь прясон ковга аф кондястиста. Конешна, кда школаса аф няйсазь хулиганствать, то ульцяса мезе тиендеви, корхтамска аш кода.

Комсомолецне эзда аф кржати савсь якстергочнемс комсомольский собраниясь. Ламоц синь эздост критиковандазь комсомольский ингольден комитетть. Цебарь ули, кда одс кочкаф комитетсь путсы сембонь тьян эсь работанцы напутствиякс.

А. Карасев.

## Англо-германский войнась

Кода пачфни германский армиять верховный командованиянц сводка, английский самолетне веть сентябрь 12-це шинц карша тага тиенць налет Севернай Германиять лангс. Неприятельский самолетне йордасть фугаснай и зажигательный бомбат лама ошень жилой кварталхненди, сяка лувксса Гамбургть, Бременать и Берлинть. Возникшая лама пожархне, тийсть ущерб жилой куттненди и рабочей поселкатненди. Бомбардировка пинкста ульсь шавф 14 ломавь, ранендаф 41 ломань.

Германский самолетонь эскадрильятне Лондонть лангс атакать мольфтезь. Бомбардировандаф докне, портов аи сооружениятне, газовой заводтне, электростанциятне и иля военной объектне.

Авглийский сообщениятнень эса корхтати, што сентябрь 11-це шинц карша веть Лондонть лангс налетть эса отличительный чертакс ашесь ся, што ульсь йордаф лама зажигательный бомба. Жертватнень лувкссна точна аф содави.

Рейтер агентствась пачфни, што сентябрь 11-це шинц карша веть авглийский авиациясь тись нападения Ла-Маншса порттнень лангс и бомбардировандаф докнень, склаттнень, а тяфта жа баржатнень и судватнень пуромома вастсон. Авиациять действиянзон мархта Кельть района стройста лихтьфт неприятельский береговой орудият. (ТАСС).

## Французский Индо-Китайса положениясь

Юнайтед пресс американский агентствась пачфни, што японецне Лунчжоуста (Гуансиль югозападнай пьялксон) 4 тьожянен лувксса войскактнень перебросили французский Индо-Китайть границанцы.

Агентствась няфнесы, што японский и французский Индо-Китайнь властнень йоткса переговорахне фактически сязфть. Японецне, нямок, учихть инструкция Токиоста. (ТАСС).

## Сталинский патриоттне анокт эсь почетнай долгсон пшкюдеманцы

Призывсь эрь кизоня йотни минь странасонк кода всенародный праздник. Марнек советский народсь аноклай оцю радостьса и гордостьса кучемс эсь цюранзон Якстерь Армияв. Сталинский юнай патриоттне аф учешка учихть ся радостнай шить, мзярда родинась максы кязеозост советский оружият и занясазь почетнай постсон странавакконь границанзон вавомаса.

Мордовский республикась тядлонь кизоня Якстерь Армияти 1939-це кизоть коряс максси цебарь пополнения. Призывной возрастонь составсь тяде аши: средняя и высшая образования мархта 12,2 процент, 7 класста сявомок 9 классонь образования мархта—19 процент, 5-це класста сявомок 7 классенди модемс—18,4 процент. Райоттнень инь ламосна аделазь малограмотнай и аф грамотнай призывниконь тонафнемать и макссихть Якстерь Армияти грамотнай пополнения. Призывниконь составсь эзда 50,6 процентсь комсомолецт и 2,8 процентсь ВКП(б)-нь члеть и кандидатт.

Йотай кизоть коряс призывниконь пядеда ламосон улихть обо-

роннай значоксна. 69,1 процентонь лувкссь максозь норматнень ПВХО значокти, 60,3 процентсь—ГСО-нь значокти, 41,1 процентсь—ВС-нь значокти, ГТО-нь значокти 25 процентсь. Сембода лама значикста лувондови Ардатовань, Саранск ошень и Ковылкинань призывниконь йоткса. Сталинский призывникне сембе вийса анокламок пряслужама, сяка пингова ашихть стахановецекс производстваса, колхозса, совхозса и лияса. Вов Козловский МТС-нь комсомолецне призывникне-трактористтне А. Шапаров и Н. Кудясов ялгатне максозь норматнень 4 обороннай значоконди. Синь кафцьке работайхть фкя тракторса и 112 гектарда вельф пшкюдезь кизаквалмонь планцион и ванфтеть 2,544 килограмма горячай.

Ардатовань районца Полай велень призывникть Солдатов ялгать аф аяцек сонцен улихть обороннай ниле значоконза, но и аноклазь эсь велестост 9 призывникт-значикст.

Чамзинский МТС-нь токарь Родионов ялгась МТС-са образцовай работанкса выдвинутый Все-

союзной вельхозяйственной выстовкав.

Сян инкса, штоба нинге сядонга пях касфтомс призывникнень йоткса эрь шинь агитационно-массовой работат, кода арафтомс идейно-политический оцю уровень, эрявихть цебарьста оборудовандамс призывной пунктнень, якстерь уголокнень. Синь эсост тиёмс обороннай организациянь (аэроклубонь, осовиахимонь и лия кружоконь) выставкат. Сатомс сядо лама военно-политический литература, газетат и журналхт. Организовандамс призывной пунктнень эса агитпункт и ст. тов.

Призывникенди эяви лакас азондомс ВКП(б)-нь ЦК-ть Июльский пленумонь решениянзон, СССР-нь Верховный Советть VII-це Сессиясонза Молотов ялгать докладонц, СССР-нь Верховный Советть Президиумонц июнь 26-це шистонза лифтьф Указонц, военной присягать текстонц. Азондомс Якстерь Армиять героический прошайнц колга, сон эряфонц и боевой и политический подготовкань задачатнень колга.

Оборонань Народнай комиссарсь Советский Союзонь Маршалсь Тимошенко ялгась вешы, штоба войскань боевой подготовкась йотнень паксыса, стама усло-

вияса, кона улель приближенный боевой обстановкати—войнати. Тяфтама занятиятне закалядакшнесазь боецть физически, сувафнихть эзознза эрявикс навыкт, воспитандакшнесы сонь трудностнень каршес тюреманы духса и сувафни эзонза уверенность эсь вийнзон колга. Тя эяви сянка, мес тачи сон призывник, а ванды—странать воинц, кона анок боевой эряфть и учебат пингста тюремс трудностнень каршес. Аяцек тяфтама боецсь кармай улема достойнай цюракс эсь народонцы.

Призывниксь содасы, што военной присягась обяандакшнесы Якстерь Армиянь эрь воинть улемс честнайкс, храбрайкс, дисциплинированнайкс, бдительнай боецокс, строгайста ванфтомс военной и государственной тайнать, бесприкословна пшкютькшнемс военной сембе устафнень и командирхнень и начальникнень приказсон, и ули анок любой минутаста максомс каплянь пес эсь веронц, а кда эрявксты и эряфонца эсь социалистический родинанц инкса, партиянь инкса, великий Сталинть инкса.

И. С. Черенков.

Ответ. редакторть инкса Дм. РОДИН.